

Noglnei



A jede Chance is scho dreimoi verpennt
olle Gedanken san so oft denkt
A jeda Satz zehnmoi dahi gsogt
und da Sinn is längst hintafroggt

Jedes Buidl is scho funchzgmoi knipst
olle Grüch san scho ind nosn ei
jedes Gfui hundertfach verkitscht
blos mia san oiwei no wia nei

A jeda Streit is scho tausendmoi gschriddn
de meistn Schrao oiwe no net gschrian
a jäda hot a millionmoi glong
drum hods an Dochstui a so vazong

Milliardn Stern san scho entdeckt
und mia jeden Dog am Arsch geleckt
in da Unendlichkeit is jäde Zahl dabei
blos mia san oiwei no wia nei

A jeda Blick is scho so oft gschaut
olle Raunza san scho groot
jede Stimmung hots scho obeghaut
und as Lacha is vom Aussterbm bedroht

Jäda Rausch is scho längst verflong
olle Zigarettschachtln san ausgraucht
a jäds Weeda hotse wieda vazong
blos mia san nur ganz leicht gebraucht